

BOSNA I HERCEGOVINA



Ministarstvo za ljudska prava i izbjeglice
Ministry for human rights and refugees
Sektor za iseljništvo

**PREGLED INSTITUCIJA BOSNE I HERCEGOVINE
NADLEŽNIH ZA ISELJENIŠTVO**

Juli 2010. godine, Sarajevo

Poštovani,

Cilj nam je da u okviru ovog kratkog priloga predstavimo osnovne nadležnosti državnih, entitetskih i drugih institucija u oblasti iseljništva i da vam na taj način olakšamo dostupnost aktuelnim informacijama koje su značajne, ne samo za ostvarivanje vaših statusnih prava u različitim oblastima, već i za uspostavljanje saradnje i kreiranje partnerskih odnosa.

Želimo da što jednostavnije dođete do korisnih informacija i svega što vas zanima: od načela vanjske politike Bosne i Hercegovine, diplomatskih i drugih aktivnosti Ministarstava i diplomatsko-konzularnih predstavništava do neophodnih i korisnih informacija u različitim oblastima, kao i do naznačenih web stranica institucija.

Na našoj web stranici www.mhrr.gov.ba su linkovi putem kojih možete saznati aktuelne informacije o našoj ekonomiji, privredi, istoriji, kulturi, turizmu, ali i gdje i kako ulagati u Bosni i Hercegovini, a sve u cilju zajedničkog doprinosa bržem razvoju naše zemlje.

Pored toga, na web stranicama ministarstava u oblasti nauke, kulture i obrazovanja (na državnom i drugim nivoima) oglašavaju se javni pozivi – konkursi za dodjelu grant sredstava na koje mogu aplicirati udruženja i klubovi koji su registrovani u Bosni i Hercegovini, ali i oni u inostranstvu ukoliko imaju registrovan ured u Bosni i Hercegovini.

Pozivamo vas da nam se obratite za sve što vas dodatno bude interesovalo, jer iz dosadašnje komunikacije sa vama znamo da često nailazite na probleme kod rješavanja vaših statusnih pitanja u BiH. Zbog toga smo na našoj web stranici www.mhrr.gov.ba uveli rubriku „[Pitajte - mi odgovaramo](#)“ i sigurno ćemo se potruditi da na sva vaša pitanja damo precizan odgovor, konsultujući nadležne institucije u Bosni i Hercegovini.

Samo efikasnijom razmjenom informacija možemo značajnije unaprijediti odnose kako sa vama - našim državljanima koji trenutno žive u inostranstvu, tako i onima druge i treće generacije porijeklom iz Bosne i Hercegovine. Neupitno je da se radi o zajedničkom interesu, zato vas i ovom prilikom upućujemo na komunikaciju sa nadležnim institucijama u Bosni i Hercegovini, jer vi i sada jeste i treba da budete još važniji pokretač razvoja Bosne i Hercegovine, koji će doprinijeti značajnijem ulaganju stranih investicija u našu zemlju, što će je činiti ekonomski i socijalno stabilnijom i jačom i stvoriti pretpostavke za ravnopravnije uključivanje u regionalne i evropske integracije.

Najsrdačnije,

Ruzmira Tihić-Kadrić, pomoćnica ministra

INSTITUCIJE BiH NADLEŽNE ZA ISELJENIŠTVO

Ustavom Bosne i Hercegovine utvrđeno je da je pitanje iseljništva u nadležnosti institucija Bosne i Hercegovine.

PREDSJEDNIŠTVO BIH

Predsjedništvo BiH, u okviru svoje nadležnosti za iseljništvo, inicira zaključivanje bilateralnih sporazuma u oblasti konzularne, radno-pravne i imovinske zaštite građana Bosne i Hercegovine u inostranstvu što je definisano kao poseban cilj vanjsko-političkih aktivnosti Bosne i Hercegovine u zaštiti interesa i pomoći bosansko-hercegovačkim građanima koji borave u inostranstvu u ostvarivanja njihovih prava.

Redovni poslovi i aktivnosti članova Predsjedništva Bosne i Hercegovine organizovani su u njihovim kabinetima. Pored poslova šefova kabineta, u ovim organizacionim jedinicama Predsjedništva odvijaju se poslovi i zadaci savjetnika članova Predsjedništva za pojedine oblasti društvenog života: unutrašnju i vanjsku politiku, ekonomska, ustavno-pravna i vojna pitanja.

Članovi Predsjedništva Bosne i Hercegovine svoje kabinete imaju u zgradi Predsjedništva u Sarajevu, dok član Predsjedništva iz Republike Srpske neke od svojih aktivnosti vrši i u dijelu Kabineta koji je smješten u Banskom dvoru u Banjoj Luci.

Kontakt-telefon i fax u Kabinetu člana Predsjedništva BiH iz reda bošnjačkog naroda:

Tel: + 387 33 567 650

Fax: + 387 33 472 491

Kontakt-telefoni za savjetnike:

Tel: + 387 33 567 640

Fax: + 387 33 559 625

Kontakt-telefon i fax u Kabinetu člana Predsjedništva BiH iz reda hrvatskog naroda:

Tel: + 387 33 567 620

Fax: + 387 33 206 563

Kontakt-telefon i fax u Kabinetu člana Predsjedništva BiH iz Republike Srpske:

Tel: + 387 33 567 660; + 387 33 567 661

Fax: + 387 33 212 720

E-mail: pbihksa@bih.net.ba

Web: www.predsjednistvobih.ba

NADLEŽNOSTI MINISTARSTAVA NA DRŽAVNOM NIVOU

Zakonom o ministarstvima i drugim organima uprave Bosne i Hercegovine utvrđena je podijeljena nadležnost u oblasti iseljništva. Kreiranje politike Bosne i Hercegovine prema iseljništvu je u nadležnosti Ministarstva za ljudska prava i izbjeglice BiH, a podsticanje, razvijanje saradnje sa iseljništvom i koordinacija je u nadležnosti Ministarstva inostranih poslova BiH. Ministarstvo za civilne poslove BiH je nadležno za državljanstvo i putne isprave i dopunsko obrazovanje djece školskog uzrasta u inostranstvu, a obavlja i poslove koji su u nadležnosti Bosne i Hercegovine a koji se odnose na utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu i to prava iz radnog odnosa, socijalna, zdravstvena i penzionarna prava, priznavanje kvalifikacija i diploma stečenih u inostranstvu, te nauke i obrazovanja, kulture i sporta.

MINISTARSTVO ZA LJUDSKA PRAVA I IZBJEGLICE BiH

Nadležnosti Ministarstva za ljudska prava i izbjeglice BiH obuhvataju:

- kreiranje politike BiH prema iseljništvu.
- praćenje i provođenje međunarodnih konvencija i drugih dokumenata iz oblasti ljudskih prava i osnovnih sloboda;
- promovisanje i zaštita ličnih i kolektivnih ljudskih prava i sloboda;
- saradnja sa vjerskim zajednicama;
- saradnja sa institucijama i organizacijama zaduženim za traženje nestalih lica u BiH;
- saradnja sa Crvenim krstom/križom BiH i Međunarodnim komitetom Crvenog krsta/križa i humanitarnim organizacijama;
- provođenje Aneksa VII Opšteg okvirnog sporazuma za mir u BiH, kao i praćenje i nadzor provođenja tog Aneksa - kreiranje i provođenje politike u BiH u oblasti povratka izbjeglica i raseljenih lica u BiH, projekata rekonstrukcije, i obezbjeđenje drugih uslova za održiv povratak;
- koordiniranje, usmjeravanje i nadzor u okviru Komisije za izbjeglice i raseljena lica, aktivnosti entiteta i drugih institucija u BiH odgovornih za provođenje politike u ovoj oblasti;

Nadležnosti Sektora za iseljništvo

Sektor za iseljništvo predlaže utvrđivanje politike i sprovodi utvrđenu politiku u oblasti iseljništva, daje primjedbe, prijedloge i sugestije u pripremi zakona, podzakonskih akata i drugih propisa iz ove oblasti, prati i predlaže zaključivanje bilateralnih sporazuma iz oblasti od značaja za iseljništvo, prikuplja i obrađuje statističke i druge podatke o iseljništvu iz BiH, upravlja bazom podataka i radi na njenom održavanju i razvoju, podstiče različite oblike udruživanja i saradnje iseljenika i njihovih udruženja i pruža pomoć u njihovom radu, radi na redovnom informisanju bosanskohercegovačkog iseljništva o stanju u BiH, a naročito o pitanjima od značaja za iseljništvo, upoznaje nadležne organe u BiH sa problemima iseljništva i prati rješavanje tih problema, ostvaruje saradnju sa klubovima i udruženjima iseljenih BiH građana, te koordinira aktivnosti u oblasti privredne, kulturne, obrazovne saradnje i informisanja, obavlja poslove pružanja stručne pomoći iseljenim BiH građanima u ostvarivanju i zaštiti njihovih prava i saraduje sa resornim ministarstvima u rješavanju ovih pitanja.

Nadležnosti Sektora za izbjeglice iz BiH i raseljene osobe u BiH

Sektor priprema utvrđivanje politike iz oblasti izbjeglica, raseljenih lica i njezino sprovođenje; priprema nacрте, odnosno prijedloge zakona, podzakonske akte i druge propise koji se odnose na izbjeglice, raseljena lica; učestvuje u pripremi prijedloga bilateralnih sporazuma sa zemljama gostoprimstva izbjeglica iz BiH; brine se o provođenju istih, saraduje sa međunarodnim organizacijama i institucijama u cilju pomoći na stvaranju preduslova i programa za povratak, te prati proces povratka izbjeglica i raseljenih lica i njihovu integraciju.

Sektor obavlja stručnu koordinaciju aktivnosti sa nadležnim ministarstvima iz entiteta u vezi povratka izbjeglica, raseljenih lica i ostvarivanja njihovih imovinskih i drugih prava, priprema planove povratka u saradnji sa organima entiteta i Brčko Distrikta i UNHCR-om.

Sektor pruža stručnu pomoć izbjeglicama i raseljenim licima i njihovim organizacijama u ostvarivanju i zaštiti njihovih prava u skladu sa međunarodnim konvencijama o ljudskim pravima i slobodama.

Nadležnosti Sektora za projekte povratka, repatrijacije i prihvata izbjeglica

Sektor izrađuje projekte povratka, prihvata izbjeglica i raseljenih lica iz BiH u njihova prvobitna prebivališta, radi na njihovom integrisanju u sredine u kojima se trajno nastanjuju, izrađuje programe prihvata i repatrijacije izbjeglica u BiH, prikuplja podatke i vodi statistiku iz ove oblasti, vrši istraživanje, izrađuje izvještaje, informacije i analize za potrebe ministarstva, prati realizaciju projekata i programa, pomaže entitetskim organima vlasti i organima Brčko Distrikta u izradi njihovih projekata i programa iz ove oblasti, usklađuje programe entitetskih organa vlasti i Brčko Distrika i ovog Ministarstva u oblastima iz nadležnosti ovog Ministarstva.

Nadležnosti Sektora za ljudska prava

Sektor za ljudska prava priprema utvrđivanje i provođenje politike u oblastima ljudskih prava i osnovnih sloboda. Sektor priprema prijedloge, odnosno nacрте zakona, podzakonske akte i druge propise iz ove oblasti, daje primjedbe, sugestije i učestvuje u pripremi prijedloga bilateralnih sporazuma; priprema izjašnjenja i prijedloge u vezi sa međunarodnim konvencijama koje je prihvatila ili koje treba da prihvati BiH iz oblasti ljudskih prava, ostvaruje saradnju sa entitetima i Brčko Distriktom BiH i međunarodnim organizacijama i institucijama za ljudska prava, priprema izvještaje i informacije o stanju ljudskih prava u BiH za potrebe Savjeta ministara, Predsjedništva i Parlamenta BiH, prati primjenu propisa u BiH iz domena ljudskih prava, prima i obrađuje molbe, žalbe i predstavke, po osnovu prikupljenih podataka o kršenju ljudskih prava priprema izvještaje i informacije, daje ocjene i preporuke nadležnim tijelima državnih i entitetskih vlasti o otklanjanju kršenja ljudskih prava u radu tih i drugih institucija. Sektor pruža stručnu pomoć građanima, preduzima sve potrebne radnje u ostvarivanju i zaštiti ljudskih prava u skladu sa zakonima u oblasti zaštite ljudskih prava i međunarodnim konvencijama o ljudskim pravima i slobodama.

Kontakti:

Trg Bosne i Hercegovine 3, 71 000 Sarajevo

Kabinet ministra

Tel: ++ 387 33 202 - 600; fax: :+ 387 33 206 140
kabmin@mhrr.gov.ba

Šef Kabineta:

e-mail: sefik.rizvanovic@mhrr.gov.ba

Kabinet zamjenika ministra

Fax: + 387 33 445 122
Tel: + 387 33 703 917
E-mail: kabzmin@mhrr.gov.ba

Sekretar Ministarstva

Tel: + 387 33 703 991
Fax: + 387 33 206 274
E-mail: kabzmi@mhrr.gov.ba

Sektor za iseljeništvо

Tel: + 387 33 206 669; 703 974
Fax: +387 33 703 938
E-mail: ruzmira.tihic-kadric@mhrr.gov.ba

Sektor za izbjeglice, raseljene osobe i stambenu politiku

Tel: + 387 33 703 903
Fax: + 387 33 703 995
E-mail: izbjeg@mhrr.gov.ba

Sektor za ljudska prava

Tel: + 387 33 221 293; 204 750
Fax: + 387 33 206 655
E-mail: ljudprav@mhrr.gov.ba

Sektor za obnovu, razvoj, monitoring i RC

Tel: + 387 33 703 941
Fax: + 387 33 443 015
E-mail: projekt@mhrr.gov.ba

Web: www.mhrr.gov.ba

MINISTARSTVO VANJSKIH POSLOVA BiH

Nadležnosti Ministarstva vanjskih poslova BiH u oblasti iseljništva obuhvataju:

- organizovanje, usmjeravanje i koordiniranje rada diplomatsko-konzularnih predstavništava BiH u inostranstvu;
- pripremanje bilateralnih i multilateralnih sporazuma;
- vršenje poslova u vezi sa boravkom i zaštitom prava i interesa državljanja BiH na stalnom i privremenom boravku u inostranstvu i domaćih pravnih lica u inostranstvu;
- podsticanje, razvijanje i koordinacija saradnje sa iseljništvom iz BiH.

Nadležnosti sektora za bilateralne odnose

Poseban cilj vanjskopolitičkih aktivnosti Bosne i Hercegovine, prvenstveno bilateralnih, je zaštita interesa i pomoć bosanskohercegovačkim građanima koji borave u inozemstvu u ostvarivanja njihovih prava, te pomoć privrednim subjektima koji posluju na tržištima drugih država.

Radi ostvarivanja ovih ciljeva sektor inicira postizanje bilateralnih sporazuma u oblasti konzularne, radno-pravne i imovinske zaštite građana Bosne i Hercegovine u inozemstvu. Također učestvuje u pripremanju i prihvatanju konvencija i ostalih međunarodnih dokumenata.

Odjel za međunarodnu naučnu, tehničku, obrazovnu, kulturnu i sportsku suradnju

Učestvuje u postupku pripreme međunarodnih sporazuma/ugovora iz oblasti nauke i kulture. Vodi i koordinira aktivnosti saradnje sa adekvatnim organizacijama i organima, kao i sa svjetskim asocijacijama iz oblasti nauke i kulture; prati programe finansijske pomoći Evropske zajednice i svjetskih asocijacija i inicira apliciranje za njih; radi na jačanju i promociji nauke i kulture kao bitnih dijelova ukupnog društveno-ekonomskog napretka zemlje i njenog statusa u Evropi.

Kontakti:

Musala 2, 71 000 Sarajevo

Kabinet ministra:

Tel. + 387 33 281 100

Fax + 387 33 472 188

Kabinet zamjenika ministra:

Tel. + 387 33 281 102

Sekretar Ministarstva:

Tel. + 387 33 281 103

Sektor za bilateralne odnose

Tel. + 387 33 281-106

Ured za odnose sa javnošću Ministarstva vanjskih poslova BiH

Tel. + 387 33 281-125, 281-126, 281-289,

Fax + 387 33 281-335

E-mail: Nebojsa.Regoje@mvp.gov.ba

Web: www.mvp.gov.ba

MINISTARSTVO CIVILNIH POSLOVA BiH

Nadležnosti Ministarstva civilnih poslova BiH obuhvataju: poslove državljanstva, upis i evidenciju građana, zaštitu ličnih podataka, prijavljivanje prebivališta i boravišta, lične isprave, putne isprave, postupak evidencije registracije vozila, deminiranje.

Nadležno je i za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordiniranja aktivnosti, usklađivanja planova entitetskih tijela vlasti i definiranje strategije na međunarodnom planu u područjima: zdravstva i socijalne zaštite, penzija, nauke i obrazovanja, rada i zapošljavanja, kulture i sporta, geodetskim, geološkim i meteorološkim poslovima.

Nadležnosti Sektora za državljanstvo i putne isprave

Nadležnost ovog Sektora je pripremanje i izvršavanje međunarodnih multilateralnih i bilateralnih ugovora (međunarodne konvencije u oblasti državljanstva i putnih isprava, ugovori o dvojnog državljanstvu, i dr.), te poslovi koji se odnose na pripremanje i izvršavanje zakona i podzakonskih akata u oblasti državljanstva i putnih isprava.

U Sektoru se obavljaju upravni i drugi stručni poslovi koji se odnose na prijem u državljanstvo Bosne i Hercegovine, odricanje od državljanstva Bosne i Hercegovine, naknadni upis u matične knjige rođenih, reviziju državljanškog statusa, izdavanje uvjerenja, uspostavu i vođenje centralne evidencije o državljanstvu (evidencije državljanstva BiH, lica koja su se odrekla državljanstva BiH, evidencije primljenih u državljanstvo BiH i evidencije o oduzimanju državljanstva BiH), vrši izdavanje putnih isprava i uspostavu i vođenje centralne evidencije putnih isprava Bosne i Hercegovine, praćenje stanja i obavještanje nadležnih organa iz ovih oblasti, saraduje sa odgovarajućim organima entiteta koji u svom djelokrugu vrše poslove od značaja za oblast državljanstva i putnih isprava.

Nadležnosti Sektora za rad, zapošljavanje, socijalnu zaštitu i penzije

Obavlja poslove koji su u nadležnosti Bosne i Hercegovine i koji se odnose na utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu u područjima rada, zapošljavanja, socijalne zaštite i penzija, a naročito pripreme i koordinacije sa nadležnim entitetskim organima na izradi prijedloga nacrta bilateralnih ugovora o socijalnom osiguranju, učešće na bilateralnim razgovorima radi utvrđivanja zajedničkih načela ugovora/sporazuma o socijalnom osiguranju sa državama ugovornicama; učešće u pripremama za usvajanje konvencija MOR-a, praćenje provođenja ratificiranih konvencija MOR-a i podnošenje izvještaja o njihovom provođenju, implementiranje projekata MOR-a, koordinira rad entitetskih tijela na izradi izvještaja o sprovođenju međunarodnih ugovora o socijalnom osiguranju, koordinira aktivnosti sa nadležnim entitetskim organima u cilju ispunjavanja međunarodnih obaveza.

Nadležnosti Sektora za obrazovanje

Obavlja poslove koji su u nadležnosti Bosne i Hercegovine i koji se odnose na utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu u području obrazovanja, učestvuje u radu međunarodnih organizacija za oblast obrazovanja i obezbjeđuje izvršavanje međunarodnih obaveza Bosne i Hercegovine iz ove oblasti, učestvuje u postupku pripreme međunarodnih sporazuma/ugovora iz oblasti obrazovanja i radi na jačanju standarda obrazovanja, cjeloživotnog učenja, permanentnog stručnog usavršavanja i obrazovanja odraslih, inkluzivnog obrazovanja i drugih elemenata kvalitetnog sistema obrazovanja.

Nadležnosti Sektora za nauku i kulturu

Obavlja poslove koji su u nadležnosti Bosne i Hercegovine i koji se odnose na utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu u područjima nauke i kulture, učestvuje u radu međunarodnih organizacija iz oblasti nauke i kulture i obezbjeđuje izvršavanje međunarodnih obaveza Bosne i Hercegovine iz ovih oblasti, učestvuje u postupku pripreme međunarodnih sporazuma/ugovora iz oblasti nauke i kulture. Vodi i koordinira aktivnosti saradnje sa organizacijama, organima i tijelima Evropske zajednice i Ujedinjenih naroda, kao i sa svjetskim asocijacijama iz oblasti nauke i kulture, prati programe finansijske pomoći Evropske zajednice i svjetskih asocijacija i inicira apliciranje za njih, prikuplja i analizira informacije i podatke o nauci i kulturi u zemlji, opslužuje savjetodavna i druga tijela formirana za nauku i kulturu na državnom nivou, radi na jačanju i promociji nauke i kulture kao bitnih dijelova ukupnog društveno-ekonomskog napretka zemlje i njenog statusa u Evropi.

Kontakti:

Kabinet ministra:

Tel. + 387 33 221 073; fax+ 387 33 221 074

Kabinet zamjenika ministra:

Tel. + 387 33 444 537; fax + 387 33 663 718
E-mail: kabinet.zamjenika@mcp.gov.ba

Sekretar Ministarstva:

Tel. + 387 33 442 350
E-mail: zlatko@mcp.gov.ba

Web: www.mcp.gov.ba

INSTITUCIJE NA NIVOU ENTITETA I DISTRIKTA BRČKO

FEDERACIJA BOSNE I HERCEGOVINE

FEDERALNO MINISTARSTVO OBRAZOVANJA I NAUKE

Federalno ministarstvo obrazovanja i nauke vrši upravne, stručne i druge poslove iz nadležnosti Federacije Bosne i Hercegovine, koji se odnose na :

- predškolsko, osnovno i srednje obrazovanje;
- nostrifikaciju i ekvivalenciju inostranih školskih svjedodžbi i diploma;
- stručno obrazovanje i usavršavanje nastavnog osoblja;
- udžbeničku literaturu za osnovno i srednje obrazovanje;
- naučnoistraživački rad na unapređenju odgojno-obrazovnog rada;
- razvoj naučno-istraživačke djelatnosti;
- zaštitu autorskog prava i intelektualne svojine;
- koordiniranje naučno-istraživačkih aktivnosti;
- razvoj naučno-istraživačkih organizacija i podsticanje fundamentalnih primijenjenih istraživanja;
- razvoj investicionih tehnologija i kadrova u naučnoistraživačkoj djelatnosti;
- praćenje inovacija, razvoja i unapređenja, tehnologija;

Kontakti:

Stjepana Radića 33, Mostar

Tel. + 387 36 355 700; fax + 387 36 355 742

Email: kabinet@fmon.gov.ba

Ured u Sarajevu

Obala Maka Dizdara 2, Sarajevo

Tel. + 387 33 276 370, fax + 387 33 276 380

Email: info@fmon.gov.ba

Web: www.fmon.gov.ba

FEDERALNO MINISTARSTVO KULTURE I SPORTA

Federalno ministarstvo kulture i sporta vrši upravne, stručne i druge poslove iz nadležnosti Federacije, koji se odnose na naučno-istraživačku djelatnost u oblasti zaštite i korištenja kulturno-historijskog naslijeđa, muzejsku, arhivarsku, bibliotekarsku, izdavačku, pozorišnu, muzičku, likovnu, filmsku i estradnu djelatnost, djelatnost organizacija i udruženja građana u oblasti umjetnosti, kulture, sporta i mladih, unapređenje sporta i tjelesne kulture, utvrđuje strategiju razvoja u oblasti kulture, sporta i mladih i druge poslove utvrđene zakonom.

Kontakti:

Obala Maka Dizdara 2, 71000 Sarajevo

Tel. + 387 33 25 41 03, + 387 33 25 41 00

Fax + 387 33 66 43 81, + 387 33 25 41 51

E-mail: kabinet@fmksa.com

Web: www.fmksa.com

FEDERALNO MINISTARSTVO RAZVOJA, PODUZETNIŠTVA I OBRTA

Federalno ministarstvo razvoja, poduzetništva i obrta obavlja upravne, stručne i druge poslove iz nadležnosti Federacije koji se odnose na poticanje razvoja, poduzetništva i obrta, davanje potpore za primjenu inovacija i uvođenje suvremenih tehnologija u oblasti poduzetništva i obrta, povećanje udjela poduzetništva i obrta u ukupnoj privredi, organiziranje institucija za poduzetništvo i stvaranje poduzetničke infrastrukture, osposobljavanje poduzetnika i obrtnika kroz redovno i dopunsko obrazovanje i druge poslove utvrđene zakonom.

Kontakti:

Ulica Stjepana Radića 33/3 (zgrada „Projektant“)
88 000 Mostar

Tel. + 387 36 449 120

Fax + 387 36 449 122

e-mail: fmrpo@fmrpo.gov.ba

Ministar

Tel. + 387 36 449 120

Fax + 387 36 449 122

E-mail: ministar@fmrpo.gov.ba

E-mail: kabinet@fmrpo.gov.ba

Sekretar ministarstva

Tel. + 387 36 449 120, + 387 36 449 123

Fax + 387 36 449 122

e-mail: tajnik@fmrpo.gov.ba

Web: www.fmrpo.gov.ba

REPUBLIKA SRPSKA

MINISTARSTVO PROSVJETE I KULTURE RS

Ministarstvo prosvjete i kulture vrši upravne i druge stručne poslove iz oblasti prosvjete koji se odnose na:

- predškolsko, osnovno i srednje obrazovanje i vaspitanje;
- obrazovanje djece građana Republike Srpske na radu u inostranstvu;
- nostrifikaciju i ekvivalenciju inostranih školskih svjedočanstava;
- pripremanje programa obrazovne saradnje sa drugim državama i međunarodnim organizacijama i međunarodnih sporazuma u oblasti obrazovanja u skladu sa Ustavom Republike Srpske i Ustavom Bosne i Hercegovine;
- visoko i više obrazovanje;
- pripremanje programa obrazovne saradnje sa Federacijom Bosne i Hercegovine, drugim državama i međunarodnim organizacijama i međunarodnih sporazuma u oblasti visokog i višeg obrazovanja u skladu sa Ustavom Republike Srpske i Ustavom Bosne i Hercegovine.

Vrši upravne i druge stručne poslove iz oblasti kulture koji se odnose na:

- muzejsku, arhivsku, bibliotekarsku, izdavačku, pozorišnu, muzičku, likovnu, filmsku i estradnu djelatnost;
- organizacije i udruženja građana u oblasti umjetnosti i kulture, tehničku kulturu;
- vođenje registra javnih glasila;
- pripremanje programa i sporazuma o kulturnoj saradnji u skladu sa Ustavom Republike Srpske i Ustavom Bosne i Hercegovine;

Kontakti:

Trg Republike 1, 78000 Banja Luka
Tel. + 387 51 331 422;
Fax + 387(0) 51/ 331 423

E-mail mp@mp.vladars.net

MINISTARSTVO NAUKE I TEHNOLOGIJE RS

Ministarstvo nauke i tehnologije vrši upravne i druge stručne poslove koji se odnose na:

- naučnoistraživačku djelatnost; strategiju tehnološkog razvoja Republike;
- podsticanje fundamentalnih razvojnih primijenjenih istraživanja; razvoj domaćih investicionih tehnologija, kadrove u naučnoistraživačkoj djelatnosti;
- inovacije, razvoj i unapređenje tehnologije;
- informisanje o pitanjima ekonomskog i tehnološkog razvoja;
- ustupanje i pribavljanje materijalnih prava i tehnologija u proizvodnji;
- pripremanje programa i sporazuma o naučno-tehničkoj saradnji u skladu sa Ustavom Bosne i Hercegovine.

Ministarstvo nauke i tehnologije vodi Registar naučno-istraživačkih ustanova koje ispunjavaju uslove za obavljanje naučno-istraživačke djelatnosti, u skladu sa Zakonom o naučno-istraživačkoj djelatnosti. Naučno-istraživačke ustanove koje nisu upisane ili su izbrisane iz Registra ne mogu učestvovati na konkursu za ostvarenje i finansiranje programa, u skladu sa Zakonom o naučno-istraživačkoj djelatnosti.

Institut je naučna ustanova koja obavlja naučno-istraživačku djelatnost i istraživačko-razvojnu djelatnost, u skladu sa Zakonom o naučno-istraživačkoj djelatnosti. Osnivač instituta može biti Republika, domaće ili strano pravno ili fizičko lice.

Kontakti:

Trg Republike 1, 78 000 Banja Luka
Tel. + 387 51 338 731; fax + 387 51 331 548

E-mail: mnk@mnk.vladars.net

BRČKO DISTRIKT BIH

ODJELJENJE ZA PRIVREDNI RAZVOJ, SPORT I KULTURU VLADE DISTRIKTA BRČKO BIH

Odjeljenje za privredni razvoj, sport i kulturu ima dva pododjeljenja:

- Pododjeljenje za privredni razvoj
- Pododjeljenje za turizam, sport i kulturu

Pododjeljenje za privredni razvoj obavlja sve poslove iz djelokruga rada statistike i analize, strateškog planiranja i regionalne saradnje, privatizacije preduzeća, poslovne inicijative i usluge, marketing i odnose sa javnošću, mjere za unapređenje investicija i druge poslove u saglasnosti sa Zakonom o izvršnoj vlasti Brčko distrikta.

Pododjeljenje za turizam, sport i kulturu obuhvata poslove koji se odnose na pozorište, galerije, udruženja kulture i manifestacije, biblioteku, sport i turizam, i druge poslove u saglasnosti sa Zakonom o izvršnoj vlasti Brčko distrikta.

Kontakti:

Vlada Brčko Distrikta BiH
Bulevar mira 1, 76 100 Brčko distrikt BiH

Tel/fax + 387 49 217 993; + 387 49 220 289

E- mail: privreda@bdcentral.net

Web: www.bdcentral.net

KANTONI U FEDERACIJI BIH

Unsko – sanski kanton	Web: www.vladausk.ba
Posavski kanton	Web: www.zupanijaposavska.ba
Tuzlanski kanton	Web: www.vladatk.kim.ba
Zeničko – dobojski kanton	Web: www.zdk.ba
Bosansko – podrinjski kanton	Web: www.bpkgo.ba
Srednjobosanski kanton	Web: www.sbk-ksb.gov.ba
Hercegovačko – neretvanski kanton	Web: www.vlada-hnz-k.ba
Zapadno – hercegovački kanton	Web: www.vladazzh.com
Kanton Sarajevo	Web: www.ks.gov.ba
Kanton 10	Web: www.vladahbz.com